

CICIKOANBADIEGU

BULICINA FASO
Taanyenma - Findima - Teginma

GUFENEMA MASOAGINDO

BAALO KOANBALA TAANLI
JAGA DOAGIDIMA

(PP-G/TRANS N°036-2024)

Rimaliba Jan Emanuweli WEDARAWOGO

Wagidugu, li binli 2024 piiga n cilo dana 6

Baalo Koanbala Taanli den kali Wagadugu
nani ban maani ki tiedi maama dana lele kuli,
alaaliba daali, li binli 2024, piiga n cilo dana 6,
ki cili leeri 9 yogunu ki ban gbeni leeri 12 leni miniti 38.
Kapitenni Ibarayimi TARAWARE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

I. A JAGA

I.1. YAA KOANBADIEGU N DIE TI DIEMA GUUDIMA LENI A MINTEELIKPELA MAAMA

A koanbala taanli taa **masienkaama tili** ki bogini yaa koanbadiegu n diidi ti diema guudima leni a minteelikpela maama.

Ki ñoadi leni ban yuandi ki kaani yaa gufenema paano, ke li tuugi leni mi masienkaama tili lanba 2024-0908/PRES/PM ban den ñani yaali li binli 2024 cinii o danyenli ki waani yaa niba n tuuni gufenema nni leni bi tuona. Bi den guani ki pegidi laa tili leni mi masienkaama tili lanba 2024-1022/PRES/PM ban den ñani yaali li binli 2024 ciyia o dana 2 ki waani gufenema tuonsoanba tuonli. Ki fidi laa masienkaliedima tilieda n soani yaa tuona n bili bi sua ke li tie tiladi yo laa koanbadiegu n baa boginpanma.

Laa masienkaama tili baa teni yaa koanbadiegu n diidi ti diema guudima leni a minteelikpela maama n bogini ke kun fidi ki soani ku tuonli nani mi masienkaama tili lanba 2024-117/PRES/PM ban den ñani yaali 2024 cipiiga o dana 4 ki bogini ti koanbadiedi tuonsoanjaana.

I.2. YAA KOANBADIEGU N DIE I LAABAALI, KU MAASUAGU, I NII TAGIMA LENI YANLUADI GOADA TUONA

A koanbala taanli taa **masienkaama tila taa (03)**.

Masienkaama tikpiali bogini Yaa koanbadiegu n die i laabaali, ku maasuagu, i nii tagima leni yanluadi goada tuona.

Ki ñoadi leni ban yuandi ki kaani yaa gufenema bonpaano ke li tuugi leni mi masienkaama tili lanba 2024-0908/PRES/PM ban ñani yaali 2024 cinii o

danyenli ki bogini gufenema tuonsoanba leni bi tuona. Bi den guani ki pegidi laa tili ki tuugi leni mi masienkaama tili lanba 2024-1022/PRES/PM ban ñani yaali li binli 2024 ciyia o dana 2 ki waani gufenema tuonsoanba tuona. Ki fidi laa masienkaliedima tilieda n bili yaa tuona n soani, bi sua ke li tie tiladi ke laa koanbadiegu n baa boginpanma.

Laa masienkaama tili baa teni yaa koanbadiegu n die i laabaali, ku maasuagu, i nii tagima leni yanluadi goada tuona n bogini ki soani ku tuona nani mi masienkaama tili lanba 2024-1170/PRES/PM ban ñani yaali li binli 2024 cipiiga o dana 4 ke ki bogini ti koanbadiedi tuonsoanjaana.

Mimasienkaama tilieli tuo yaa Tuonsoandiegu n die yanluadi goada findima ti diema nni **“FASO TURISIMI”** tuona boginli.

Laa masienkaama tili baa teni yaa Tuonsoandiegu n die yanluadi goada tuona findima ti diema nni **“FASO TURISIMI”** n baa bali maama tila ki fidi ki soani li tuonli nani mi masienkaama tili lanba 2014-613/PRES/PM/MEF ban ñani yaali li binli 2014 cilele o dana 24 ke li wangi Baalo tuonsoandiedi tuona n bogini maama.

Mi masienkaama tilieli cilini silima leni ti junjundi leni i niali Tuonsoandiegu Bulicina nni.

Laa masienkaama tili baa teni silima leni ti junjundi leni i niali Tuonsoandiegu Bulicina nni n fidi ki baa yaa balimaama tila n baa todi kun soani ku tuona nani mi masienkaama tili lanba 2014-613/PRE/PM/MEF ban den ñani yaali li binli 2014 cilele o dana 24 ke li wangi Baalo tuonsoandiedi tuona n bogini maama.

I.3. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

A koanbala tuo **tiwaankaali** yaali n tuugi leni li binli 2024 tuonjaana soanma yaa koanbadiegu n die ti diema tinbuona gobidima leni a sancena tuona kani.

Laa tuona tie Bobo Julaso biakafanma kani ban bogini yaa tuona soanma lani n tie: ki guani ki ŋanbi yaala biidi ki go maa mi biakafanma nni ti diedi leni i sani. Li tie ki teni yaa tuonsoanba n tuuni mi biakafanma kani n baa yaa diedi leni yaa sani n ŋani ki dagidi ki go paani ki fidi ki soagini mi biakafanma kani tuona ki go todi ti tiadi tugima. Li go baa todi laa tuona buoli kuli yàà n tuuni likani lani n tie a candiena, yanluadi goada tuona, bu kpaabu leni li yanwubili leni u kpendu Bobo Julaso biakafanma kani. Laa tuona soanma baa teni mi biakafanma tuona n yaa tuuni ke li tiegi.

Laa tuona baa yaa tie:

- ki maa i biakaabi sedikaanu fanma ke mi baa fidi ki gaa binli kuli yaa niba n bua ki pundi miliyon bonyendo leni boagidima ;
- ki guani ki ŋanbi i biakaabi n ji yaa fanma kani, ki ŋanbi yaa sani n ye lienni leni i biakaabi sedikaani;
- ki bogini ki maa a diena leni i sani.

Laa tuona soanma n baa je yaa ligi tie **miliyonba pinii (80.000.000) Seefa ligi nni.**

Laa ligi baa ña Baalo ligikpagu nni leni yaaba n todi i ligi leni a tuona kani.

I.4. YAA KOANBADIEGU N DIIDI TI DIEMA LOAGU LENI I LIGI

A koanbala taanli taa **masienkaama tila lie (02)**.

Mi masienkaama tikpiali tie ki kaani yaa Tuonsoandiegu n baa yaa tuuni yanluadi goada tuona findima ti diema nni “Faso Turisimi”.

Laa masienkaama tili lebidi yaa Tuonjaali n die yanluadi goada tuona (OYENTE BE) ke li tua yaa tuonsoantiagu n tuuni yanluadi goada tuona findima “Faso Turisimi”. Laa yeli lebidima baa todi mi diema nunlepanma yaama n tie ki kuani ti diema yanluadi goada tuona lan tua yanluadi goada findima benjielu (dabanjali) ti diema nni. Lani yaapo, Faso Turisimi tuona ñii Bulicina Faso findima bebe yaapo ti diema nni leni niinpo.

Li go tie ki teni “Faso Turisimi” n tua findima tuonsoantiagu yanluadi goada tuonjaali nni, ki go pugini a tuonsoanjaana banma a candiena tuona paalu, a sanbila taama leni a sancena ki teni lan baa a tuona leni ti diema yusingu (jigidi) ki tuugi leni yanluadi goada kani puginda leni yaala n baa dadi ki teni bi niba n kuani bi yanluadi goada ti diema nni.

Laa masienkaama tili baa todi ban kaani yaa Tuonsoandiegu n tuuni yanluadi goada tuona findima “Faso Turisimi”, nani mi masienkaama tili lanba 2014-609/PRES/PM/MEF/MFPTSS ban ñani yaali li binli 2014 cilele o dana 24 ke li wangi Baalo tuonsoanjaana n ñua yaa sanbila, ñan baa tieni maama ki kali, ban baa gobidi a maama leni ban baa ñani a maama a tuonsoanjaana nni.

Mi masienkaama tilieli kaani silima leni ti jinjindi niali .

Laa masienkaama tili baa teni tuonsoanjaana naa (04) n taani ki tua tuonsoanjayenli lani n tie Afiriki silima badu leni Wagadugu telefison cagicianli (FESIPAKO), yaa Tuonsoandieciangu n die yaa tuona n tie ti jinjindi leni u nialu lebidima cogidieli, yaa tidiandieciangu n die yaa tuonsoandiegu n die silima, ti jinjindi nialu leni yaa jinjindi n cuoni ki go maadi ki pugini yaa tuonsoandiegu n gobidi silima leni ti jinjindi niali tuona.

Yaa Tuonsoandiegu n die silima tuona Bulicina nni leni ti jinjindi niali tuonñiali tie ki teni silima tuonjaali tuona n findi, ki pugini u paalu silima tuonli sanbila, ti jinjindi niali leni yaa jinjindi n cuoni ki go maadi ti diema Bulicina Faso nni.

Laa masienkaama tili baa teni yaa Tuonsoandiegu n die silima jinjindi leni ti jinjindi niali n kali nani mi masienkaama tili lanba 2014-613/PRES/PM/MEF ban den ñani yaali 2014 cilele o dana 24 ke li wangi Baalo tuonsoanjaana n bogini ki tuuni maama.

I.5. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA

A koanbala taanli taa **masienkaama tiyenli** ki bogini Yaa koanbadiegu n diidi enterineti, a tisoankaana tuonsoandiedi leni tankalafo tuona.

Ki ñoadi leni ban kaani yaa gufenema bonpaano ki tuugi leni mi masienkaama tili lanba 2024-0908/PRES/PM ban ñani yaali li binli 2024 cinii o danyenli ke li wangi gufenema nni tuonsoanba, bi tuona. Bi den guani ki diidi laa masienkaama tili ki tuugi leni mi masienkaama tili lanba 2024-1022/PRES/PM ban ñani yaali li binli 2024 ciyia o dana 2 ke li wangi gufenema tuonsoanba tuonli. Ki fidi laa masienkaliedima tilieda n bili yaa tuona n soani, bi sua ke li tie tiladi yo laa koanbadiegu n baa boginpanma.

Laa masienkaama tili baa teni yaa koanbadiegu n diidi enterineti tuona, a tisoankaana tuonsoandiedi leni telefoni tuona n bogini ki fidi ki soani ku tuonli nani mi masienkaama tili lanba 2024-1170/PRES/PM ban ñani yaali li binli 2024 cipiiga o dana 4 ke li wangi Baalo koanbadiedi tuonsoanjaana n bogini maama .

I.6. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

A koanbala taanli ñani **masienkaama tiyenli** ki bogini yaa koanbadiegu n diidi kuuran tuona leni ki tinga tugu nni piama tuona.

Ki ñoadi leni ban kaani yaa gufenema bonpaano ki tuugi leni mi masienkaama tili lanba 2024-0908/PRES/PM ban ñani yaali li binli 2024 cinii o danyenli ke li wangi gufenema tuonsoanba leni bi tuonli. Bi go guani ki pegidi laa tili ki tuugi leni mi masienkaama tili lanba 2024-1022/PRES/PM ban ñani yaali li binli 2024 ciyia o dana 2 ke li wangi gufenema tuonsoanba tuonli. Ki fidi laa masienkaliedima tilieda n soani yaa tuona n bogini, bi sua ke li tie tiladi yo laa koanbadiegu n baa boginpanma.

Laa masienkaama tili baa teni yaa koanbadiegu n diidi kuuran tuona leni ki tinga tugu nni piama tuona n bogini ki fidi ki soani ku tuona nani mi masienkaama tili lanba 2024-1170/PRES/PM yaali n ñani li binli 2024 cipiiga o dana 4 ke li wangi Baalo koanbadiedi tuonjaabila n bogini maama.

I.7. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA

A koanbala taanli ñani **masienkaama tili** ke li bogini u gbannansaagu jeliti tuona leni yanluadi goada tuona yela Bulicina Faso nni.

U gbannansaagu jeliti tuona yela leni yanluadi goada tuona yela tie laabaalitaanke ke li wangi a coada sanbila ki tuugi leni u gbannansaagu jeliti leni yanluadi goada n pia yaa tuona, ke li baa todi tin baa mi nunlema ki tuugi leni a tuona lingima po.

U gbanansaagu jeliti leni yanluadi goada n taani ki pia yaa tuona pia sanbila taa (03), piiga n tuona taa (13) ya n tie u nuu tuonsoanbanma leni tuona 236 Baalo n bogini ya ke li tuugi leni li ñandunli nni ban bogini a tuona maama leni diema kuli n bogini mi tuona maama.

Laa masienkaama tili nunlema tie:

- ki bandi ki paadi ke li faali u gbanansaagu jeliti tuona leni yanluadi goada tuona leni Baalo n go baa bogini a maama ñan yaa tuuni;
- ki teni yaaba n tuuni laa tuona nni n baa mi banma cubi-cubi yaa tuona n yegi leni li balimaama.

II. I LAABAALITENKE

II.1. Yaa koanbadiegu n die i laabaali, ku maasuagu, i nii tagima leni yanluadi goada tuona puni a koanbala taanli laabaali ke bi baa bogini ti diema jaandi paabu badu yaa kpenkpenda n tuuni yanluadi goada tuona po».

Laa badiluobilu yu yaa mayuli n tie « **Yanluadi goada leni ti maasuadi buoli buoli tie yaala n baa teni i nibuoli n baa mi tuginma leni i yi** », den juodi li binli 2024 ciyia dana 20 Wagidugu dogu nni leni ban den tieni yaa badu ke bi yi u « Yanluadi goada kpenkpenda ñiagu ».

Li binli 2024 nni, ti diema jaandi paabu badu yanluadi goada kpenkpenda po den baa niba 230 yaaba n kua mi boaginma nni, ki sua li binli 2023 nni mo den baa niba 211.

Laa badu yogunu, ban den kaani yaa caga ke ñan biigi yaaba n boagi tuona den teni ban gandi yaaba paadi 16, yaa paadi n ye celi mo boninaa (4) ki pugini paadi naa (4) yi ke bi teni ban gandi bonceli danba yaaba n tuuni yanluadi tuona.

II.2. Li koanbali yaali n die ti diema tinbuona gobidima leni a sancena tuona den waani a koanbala taanli ke bi diani komininba tuona doagidima tipegidikaali.

Li bali maama lanba 055-2004/AN ban den ñani yaama li binli 2004 piiga n cilie dana 31 daali ke mi tuugi leni komininba bali maama ki puogi komininba gobidikaaba n yen waani mi niyoma komininba tuona n cuoni maama. Laa puogili tie mi diema bali paalu boagidima sanbila siiga sanbiyenli.

Laa tipegidikaali mayuli tie ki gobidi komininba tuona waanma, ki nan go biigi ki bandi bi niba taanma komininba tuona nni n da maam.

II.3. Mi niñingbadima leni toriyaba koanbali puni a koanbala taanli laabaali lie **(02):**

- **u laabaalu** yu n tuugi leni a nitadima daali tiadima li ḡandunli nni mi tabuapiitaa n taliedima (32) ke li baa tieni Bulicina Faso nni li binli 2024 piiga n cilie dana 3.

Laa daali tiadima mayuli tie « **Mi yanduama luoma leni bi niba n ye yaa yeyianma po : ale sanbila n baa teni a nitadima mo n todi mi yanduama leni u taayienu puginma ?** »

Gufenema gandi laa mayuli ki baa doagidi wan pia yaa yankuali ki baa taani yaa niba n ye leni ku tadingu ke bi moko n todi a sanbila lingima mi yanduama leni u taayienu puginma po ; yeni n tie ban ciadi mi yeyianma yogunu, ki nan go todi tin kaani yaa ḡandunli n tiegi, ki pia mi yanduama ki go taandi bi niba kuli a jaga taama nni.

Li daali yeni tiadima baa teni tin bandi yaa tuona kuli n soani a nitadima guunli leni bi fidu puginma po a tuonjaana kuli nni, ki le lan puni ti yaa bangima ki nan go taa yaa jagipaana n dagidi ki baa todi laa niba n yaa tuuni yaa tuona n baa pugini bi nukubili.

- **yaa laabaalu** n tuugi leni todiyaba ḡmaalo tuona mi piiga n tabua leledima (17) .

Dunla todiyaba ḡmaalo tuona baa tieni li binli 2024 piiga n ciyendo dana 4 ki gedi piiga n cilie dana 3 ke li mayuli tie « **Todiyaba, lan tie u taayienu sanbili** ».

Todiyaba ḡmaalo tuona boginma n lingi yaala tie ki teni li bali danba yaaba n taani a jaga, a tuonsoanjaana leni yaa nicaga n ki tie baalo ya n pa bi yula u taayienu gbanmanu puginma bi niba nni po. Laa ḡmaalo nni, yaa tuona n baa soani baa yaa tie i laabaali tenma, i ligi taanma leni bu miabu ke lankuli tuugi leni mi niyoma yaama n ye leni mi yeyianma ki pugini u taayienu tagu findima.

Bi paatieba luodi todiyaba n̄maalo tuona li binli 2024 piiga n ciyendo dana 4 daali Tinkodogo dogu nni.

II.4. Yaa koanbali n diidi mi tagima tuonsoandiedi, u kpendu leni u nuu tuonsoanbanma tuona waani a koanbala taanli ke ti diema Bulicina Faso den kali a koanbala yaaba n diidi mi tagima tuonsoandiedi leni u kpendu ki pugini bonceli danba yaaba n ye AYESI (Bulicina Faso, Mali leni Niseeri) nni taancianli Bamako dogu nni li binli 2024 cipiiga dana 19. Laa taanli mayuli den tie ki cilini yaa boginli n yen baa yaa taagi laa dotaadi niba ki go gobidi i bonceli danba tuona ke lan todi i dotaadi yeni loagu.

Li taanli puoli, AYESI koanbala yaaba n diidi mi tagima tuonsoandiedi leni u kpendu:

- den ñani mayedikaama ki yini ma «Bamako mayedikaama » yaama n tuugi leni mi tagima tuonsoandiedi findima, bonceli danba tuona gbanmanu pugina AYESI dogi tinfanma nni, u kpendu sanbila n̄anbima, bi canba dadi-cuanma AYESI dogi nni a tuona po, AYESI dogi tuginma leni i yi faalima leni u kpendu pugima laa dogini siiga ;
- den ñii madagidikaama tili AYESI dogi kpenkpenda leni mi tagima tuonsoandiedi caga siiga ke li mayuli tie ki findi mi tuginma yaama n ye Sayeli dogi leni i yi siiga u kpendu po;
- den ñii madagidikaama tili AYESI dogitaadi (3) kpakpaala caga siiga.

Laa taanli yogunu, bi taantieba den mia jaga boncianla taama. Laa miabu nni miatianbu nne:

- ki tigrini AYESI dotaadi yeni bali danba n yen taa mi tagima tuonsoandiedi po yaa jaga n tie yenma;
- ki ñii dogu kuli bonjanla po ki todi mi tagima n baa tagini yaa sanbila nni findima;

- ki tigrini ban kaani yaa boginli n baa teni u juogu n yaa ye baalo leni bonceli danba siiga;
- ki mia ban jaligi ki bogini yaa taanli n baa taani u kpendu bandiciama, mi tagima tuonsoandiedi tuona bandiciama, duaninba bandiciama leni bonceli danba ke ban soani ki ñani yaa sanbila n baa todi bi niba leni bi piama sancena laa dotaadi tinfanma nni ke yanbani baa ki ye.

II.4. Yaa koanbali n diidi mi gaanilindima, mi ñima leni i yianbonfuodi bolinma tuona waani a koanbala taanli ke Bulicina Faso baa kali KOPI 29, lan tie i dogi kuli Cagicianli li ñandunli nni taanli mi tabua piilie n taayiadima ke li tuugi leni u yogunu lebidima. Laa taanli baa tieni dunla binli 2024 piiga n ciyendo dana 11 ki gedi o dana 22 Baku dogu po lan tie Aseribanjan diema nni.

Bulicina Faso den ñii i ki tuo i dogi kuli Cagicianli li ñandunli Balimaama u yogunu lebidima po li binli 1993 ciyia dana 2 daali. Ti dogu caa yogunu kuli KOPI taana leni yaa dogi n ñii Kiyoto mabilikaama tili li binli 2005 citaa dana 31 taana leni wan ñii Pari mabilikaama yaama li binli 2016 piiga n ciyendo dana 11.

Li binli 2024 niinni li li piilie n taanyiali (KOPI 29) yaali n baa taani yaa dogi n ñii u yogunu lebidima bali maama ke li mayuli tie ki teni ti ñandunli fawaama n ñanbi.

Yaa juogu n baa kali KOPI 29 taanli yogunu baa pegidi ki diidi yaa sanbipaana n tuugi leni i ligi u yogunu lebidima tuona po, yaa sanbila n ye u yogunu lebidima tuona po leni yaa tuona n bogini ke tin fidi ki tuogi u yogunu lebidima n kpendinni yaala.

II.5. Yaa koanbali n die ku gbanansaagu jeliti tuona, bi nipanba leni a tuona baama waani a koanbala taanli Bulicina Faso leni Burundi diema n den tuogi

leni yaba a taana balipuali nni kelima bi boagi leni yaba ki bua ki gedi Maroki diema n baa bogini Afiriki dogi taanma balipuali yaali li binli 2025 nni.

Ti diema Bulicina Faso baa ki baa gedi Maroki li binli 2025 Afiriki balipuali badu tinba leni Burundi balipuali yaali n den tieni Kodivuari diema nni puoli po.

Laa boaginma puoli, ti diema balipuacagili gaa Senegali, Burundi leni Malawi diema liiga .

A koanbala taanli gaali ti diema balipuacagili ki nan go suagi ki mia yaaba n tuuni laa cagili nni kuli n pugini ania yaa tuogima/boaginma n baa cua po.

III. BAN DINI YAABA A BALA

III.1. BAN DINI YAABA A BALA NIYENDO TUONA PO

A. YAA KOANBADIEGU N DIE TI DIEMA GUUDIMA LENI A MINTEELIKPELA MAAMA KANI

- Palingiwende Sitefani Koloteri **ILIBUDO**, minteeligbeeli, o tua a tila dianma yudaano Wagidugu cogidiecianli yaali yaa kani ke bi cogindi ti tuonsoandiedi tiadi boginma.

B. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

- AbIduli **BELEMI**, o lanba li tuonli nni tie **257 130 W**, ti tuonsoandiedi gobidima bando, o tua baalo tiadi daama yudaano ;
- Karimi **TASABEDO**, o lanba li tuonli nni tie **303 496 G**, o tie ku maasuagu tuona tundikoa, o tua Wayiguya diema Gufeneri tundikoa ku maasuagu tuona nni.

C. YAA KOANBADIEGU N DIIDI TI DIEMA LOAGU LENI I LIGI KANI

- Etieni **SOETEN**, o lanba li tuonli nni tie **104 956 R**, baalo ligidiedi goandikoa, o tua tiakubilo ku tingbanu cogu cogidieciangu kani.

D. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA KANI

- Lewonari **SANDIWIDI**, o lanba li tuonli nni tie **117 021 F**, diema leni mi yama tuginma tuona tundikoa, o tua baalo badi, ti koanbadiedi leni komininba badi boginma yudaano .

**E. BU KPAABU, LI YANWUBILI LENI MI ÑIMA NNI
BONPIAKAALA KOANBADIEGU**

- Abudu **BARO**, o lanba li tuonli nni tie **287 449 H**, bu kpaabu tuona bandiciamo, o tua bu kpaabu leni li yanwubili tuonsoandiedi yudaano Gawa diema desiyon nni;
- Boniface **TIYONO**, o lanba li tuonli nni tie **382 575 X**, bu kpaabu tuona bandiciamo, o tua bu kpaabu leni li yanwubili tuonsoandiedi yudaano Lorumi porovensi nni;
- Wendisongida Pasikali **KABORE**, o lanba li tuonli nni tie **270 963 U**, li yanwubili tuona bandiciamo, o tua bu kpaabu leni li yanwubili tuonsoandiedi yudaano Poni porovensi nni.

**F. YAA KOANBADIEGU N DIE TI BUUDI LENI O NISAALO N PIA
YAA SANBILA, KI TUUGI LENI A TUONSOANJAANA**

- **BAYILI** pua Ebubie Añesi **BASONU**, o lanba li tuonli nni tie **324 396 A**, bi niba n pia yaa sanbila baama tundikoa, o tua bi niba n pia yaa sanbila baama leni ku danligu tuona yudaano ;
- Abiduli-Kaderi **BAGIAN**, o lanba li tuonli nni tie **130 566 W**, bujialo, o kua u cuonu leni mi maalima tuonsoandiegu gobidikaaba cagigili nni.

**G. YAA KOANBADIEGU N DIIDI I SANI TIENMA LENI A
DIEGBENGA MAAMA**

- Mumuni **ILIBUDO**, o lanba li tuonli nni tie **216 124 W**, li diemaali bandiciamo, o tua i sani tienma tuona yudaano.

**H. YAA KOANBADIEGU N DIE A BONWAALA COGU, TI
MAAMAAMAAMA COGU LENI TI DIEMA MABUOLI FINDIMA**

- Anayidiwende Nikodemi **WEDIRAWOGO**, o lanba li tuonli nni tie **117 495 Y**, bujialo, o tua li koanbali tundikoa;
- **KERE** pua Mayimuna **RONBA**, o lanba li tuonli nni tie **45 394 J**, ki tie a bonwaala cogicanbaanba goandikoa, o tua yaa tuonsoandiegu n moa a bonpola leni yaaba n tadi cogu po yudaano;

- **JIBILEWEWOGO** pua Kadijatu **SORE**, o lanba li tuonli nni tie **105 784 T**, ki tie a bonwaala cogicanbaanba goandikoa, o tua u cogu laabaali tenma tuonsoantiadi yudaano;
- Sidibewende Inosan **SAWADOGO**, o lanba li tuonli nni tie **45 057 G**, o tie u cogu tuonsoandiedi gobidima tundikoa, o tua ti cogibitiadi leni a cogibitila tienma yudaano ;
- Barke **TANBURA**, o lanba li tuonli nni tie **32 246 E**, ki tie a bonwaala cogicanbaanba goandikoa, o tua a nikipela cogu ti maamaamaama nni yudaano ;
- Hamidu **SALIA**, o lanba li tuonli nni tie **34 559 C**, ki tie a bonwaala cogicanbaanba goandikoa, o tua a bonwaala cogu yudaano;
- Ñowili **KANBU**, o lanba li tuonli nni tie **54 753 B**, ki tie a bonwaala cogicanbaanba goandikoa, o tua li koanbali todikoa ;
- **SISSAO** pua Ameli Ponib **SOME**, o lanba li tuonli nni tie **43 800 R**, ki tie a biñinda canbaanba goandikoa, o tua li koanbali todikoa ;
- Eriki Wensesilasi **KABORE**, o lanba li tuonli nni tie **41 958 R**, o tie u cogu tuonsoandiedi gobidima tundikoa, o tua li koanbali todikoa ;
- **SUNGARANA** pua Valeri **WEDARAWOGO**, o lanba li tuonli nni tie **45 385 G**, ki tie a bonwaala cogicanbaanba goandikoa, o tua li koanbali todikoa ;
- Eduwari **BAMOGO**, o lanba li tuonli nni tie **40 092 L**, ki tie a bonwaala cogicanbaanba goandikoa, o tua li koanbali todikoa ;
- Anburuwasi Faransua **MILOGO**, o lanba li tuonli nni tie **40 387 W**, ki tie a bonwaala cogicanbaanba goandikoa, o tua li koanbali todikoa.

I. A BICEGIDINKAANA COGU LENI MI TUONSOANBANMA BANGIMA KOANBADIEGU

- Dugutigi Pieri **WATARA**, o lanba li tuonli nni tie **49 063 G**, o tie baalo ligi tuonsoandiedi gobidima bando, o tua yaa tuonjaali n todi mi tuonbanma bangima (FAFIPA) yudaano.

**J. YAA KOANBADIEGU N DIE A COGIBIGBENGA COGU LENI
MI BANCANMA LINGINMA KANI**

- Pocianli Serisi **JABUGA**, o lanba li tuonli nni tie **41 639 G**, ki tie mi bancanma lingima gobidikoa, o tua li koanbali todikoa.

**K. YAA KOANBADIEGU N DIE KU GBANANSAAGU JELITI
TUONA, BI NIPANBA LENI A TUONA BAAMA**

- Bonifasi **DIANDA**, o lanba li tuonli nni tie **53 909 M**, polisi komiseri, o tua li koanbali tundikoa li guunli sanbila nni ;
- Paribiñare Julien **SANSE**, o lanba li tuonli nni tie **212 146 A**, a tinbuona gobidikoa, o tua li koanbali todikoa;
- Romen **KABORE**, o lanba li tuonli nni tie **97 590 D**, o tie bi nipanba tundikoa leni bi wubidi bando, o tua yaa tuonsoandieciangu n todi bi nipanba bi yuceli tuona po leni bi wubidi yudaano;
- Mumuni **JIRE**, o lanba li tuonli nni tie **44 749 Y**, o tie bi niba gobidima tundikoa, o tua laa koanbadiegu tuonsoanba gobidima yudaano ;
- Abiduli Asiisi Sulidasi **WEDIRAWOGO**, o lanba li tuonli nni tie **520 163 X**, o tie laabaalitenlo, o tua laa koanbadiegu tuona laabaalitenma yudaano.

III.2. BAN DINI YAABA A BALA A TUONSOANJAANA YELI PO

A koanbala taanli den baa ban dini yaaba a bala a tuonjaana tuona gobidima po:

- yaa tuonsoanjaali n die i laabaali tenma sanbitaana guunli (ANSI) kani yaa koanbadiegu n diidi enterineta, a tisoankaana tuonsoandiedi leni tankalafo tuona yeli po;
- yaa tuonsoanjaali n die ti gaanilindima, ti bonjekaala, ti tuonli leni ti laafiali ñoagi guunli (lan tie ANSEYATI) kani, ki pugini Tandangogo, Yaligado Wedarawogo, Suuro Sanu leni Wayiguya lotodieciami kani yaa koanbadiegu n diidi ti laafiali yeli po ;
- yaa tataantuonsoanjaali n diidi ti tinmu tugu nni piama todima Bulicina Faso po (lan tie SOPAMIBI) kani, yaa koanbadiegu n diidi kuuran tuona leni ki tinga tugu nni piama tuona yeli po;
- yaa tuonsoandiegu n diidi a dieduankaana maama kani yaa koanbadiegu n die i dociami tinbuona boginma leni a dieduankaana maama yeli po .

Moko, a koanbala taanli baa ban dini yaaba li bali ke bi tua a tuona boginma caga liigiyaaba Tandangogo lotodieciami kani, yaa tuonsoanjaali n die ti gaanilindima, ti bonjekaala, ti tuonli leni ti laafiali ñoagi guunli (lan tie ANSEYATI) kani ki pugini yaa tataantuonsoanjaali n diidi ti tinmu tugu nni piama todima Bulicina Faso po (lan tie SOPAMIBI) kani.

A koanbala taanli go den baa ban dini yua li bali ki kuani o yaa tuonsoancagili n pegidi ki go gobidi i biakaabifani kudima tuonsoanjaali kani yaa koanbadiegu n die ti diema tinbuona gobidima leni a sancena tuona yeli po.

A. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

A koanbala taanli taa masienkaama tili ki dini li bali Rañagenewende Rodirigi Desire TAPISOBA, o tie li tanmaali bandiciamo, ke o kua a tuona gobidima cagili nni bi tuonsoanba yeli po yaa tuonsoancagili n pegidi ki go gobidi i biakaabifani kudima tuonsoanjaali kani, li bakpiali nni bina taa (03) po ; o gaa Pepen SABIRE kaanu.

B. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA

A koanbala taanli taa jagili ki ñani **masienkaama tili** ki dini a bala yaa niba n tiene ke bi tua a tuona gobikaaba yaa Cagili n gobidi a tuona yaa tuonsoanjaali n die i laabaali tenma sanbitaana guunli (ANSI) kani li bakpiali nni binataa (3) po.

Bulicina Faso badidieciangu kani:

- Elise **KULIBALI**, o lanba li tuonli nni tie **255 000 S**, o tie cogicanbaa leni mi bancanma lingido.

Yaa koanbadiegu n die ti diema guudima leni a minteelikpela maama:

- Bubakali **KOANDA**, minteeligbengili.

C. LI LAAFIALI KOANBADIEGU

A koanbala taanla taa **masienkaama tila lele (07)**.

Masienkaama tikpiali dini a bala yaa niba n tiene ke bi tua a tuona gobidikaaba Tengandogo lotodieciangu kani li bakpiali nni binataa (3) po.

Li laafiali koanbadiegu kani:

Tinunga **23** bonmu **29** nni

- Kuesiyande Josefi **SUBEYIGA**, o lanba li tuonli nni tie **119 724 M**, o tie i yianpuodike lotogbeeli;
- Issa **ILIBUDO**, o lanba li tuonli nni tie **213 867 E**, o tie ti lotodieciandi gobidikoa.

Masienkaama tilieli dini li bali Kuesiyande Josefi **SUBEYIGA**, o lanba li tuonli nni tie **119 724 M**, o tie i yianpuodike lotogbeeli, ke o tua a tuona gobidikaaba liigiya Tengandogo lotodieciangu kani li bakpiali nni binataa (3) po.

Masienkaama titaali dini a bala yaa niba n tiene ke bi tua a tuona gobidikaaba ti laafiali ñoagi guunli (lan tie ANSEYATI) kani li bakpiali nni binataa (3) po.

YAABA N TUA A TUONA GOBIDIKAABA BAALO YELI PO

Li laafiali koanbadiegu kani:

- Isa **WEDARAWOGO**, o lanba li tuonli nni tie **104 180 A**, o tie baalo lotodiedi lotociamo;
- Abiduli-Salami **WEDARAWOGO**, minteligbeeli, o tie u lotocogu canbaangbengili.

Yaa koanbadiegu n diidi ti diema loagu leni i ligi:

- Sie **KAMI**, o lanba li tuonli nni tie **50 045 G**, baalo ligituonsoandiedi gondikoa.

yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona:

Tinunga **24** bonmu **29** nni

- Sansan **KANBU**, o lanba li tuonli nni tie **117 057 X**, o tie u loagu tuona tundikoa.

BAN KUANI YUA A TUONA GOBIDIKAABA CAGILI NNI BULICINA BONDAALA CAGILI YELI PO

- Mariseli **KURAWOGO**, o lanba li tuonli nni tie **25 624 K**, o tie yua n kpaagidi ki diidi li bonla n cuoni maama.

BAN KUANI YUA A TUONA GOBIDIKAABA CAGILI NNI ANSEYATI TUONSOANBA YELI PO

- Wewogo **NIKIEMA**, o lanba li tuonli nni tie **50 019 Y**, o tie a lotodiena masina bonnanbilo.

Masienkaama tinaali dini li bali Isa **WEDARAWOGO**, o lanba li tuonli nni tie **104 180 A**, o tie baalo lotodiedi lotociamo, ke o tua a tuona gobidikaaba liigiyua ti laafiali ñoagi guunli (lan tie ANSEYATI) kani li bakpiali nni binataa (3).

Masienkaama timuuli goa ki pandi Wendilasida Toma **WEDARAWOGO** bali, o lanba li tuonli nni tie **109 322 L**, o tie baalo lotodiedi lotociamo, ke wan yaa ye baalo po Yaligado **WEDARAWOGO** lotodieciangu tuona gobidikaaba cagili nni yaa koanbadiegu n diidi ti laafiali yeli po li bajuodikaali nni bina taa (03).

Masienkaama tiluobili dini li bali Wurosu Olifie Konsitanten **SANU**, o lanba li tuonli nni tie **94 464 G**, o tie a ñina lotogbengili, ke wan kua baalo po Suro **SANU** lotodieciangu tuona gobidikaaba cagili nni yaa koanbadiegu n diidi ti laafiali yeli po li bakpiali nni bina taa (03) po.

Masienkaama tileleeli dini li bali Yacenti Wendegudi **BONKUNGU**, o lanba li tuonli nni tie **259 603 R**, o tie a ñoagidiena tuona bandiciamo, ke wan kua baalo

po Wayiguya lotodieciangu tuona gobidikaaba cagili nni yaa koanbadiegu n diidi ti laafiali yeli po li bakpiali nni bina taa (03) po.

D. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

A koanbala taanla taa **masienkaama tila lie (02)**.

Masienkaama tikpiali dini li bali yaa niba n tiene ke bi tua a tuona gobidikaaba yaa tataantuonsoanjaali n diidi ti tinmu tugu nni piama todima Bulicina Faso po (lan tie SOPAMIBI) kani, baalo yeli po li bakpiali nni bina taa (03) po.

Bulicina Faso Badidieciangu kani :

- Nikola **KAGANBEGA**, o lanba li tuonli nni tie **59 932 D**, o tie cogicanbaangbeeli leni bancama lingido.

Ku cicikoanbadiegu kani :

- Yakuba **JIIRO**, o lanba li tuonli nni tie **359 445 F**, o tie ku maasuagu tuona tundikoa.

Yaa koanbadiegu n diidi kuuran tuona leni ki tinga tugu nni piama tuona kani :

- Dulayi **SANU**, o lanba li tuonli nni tie **519 761 M**, o tie ki tinga tugu nni ñima tuona bandiciamo;
- P. Alen **YAMEWOGO**, o lanba li tuonli nni tie **256 572 Y**, o tie yua n kpaagidi ki diidi li bonla n cuoni maama.

Yaa koanbadiegu n diidi ti diema loagu leni i ligi kani:

- Kirisian Lewon **YUGIMA**, o lanba li tuonli nni tie **92 010 D**, baalo lubigaali gobidikoa.

Yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona kani:

- Emanuweli **WEDARAWOGO**, o lanba li tuonli nni tie **111 320 V**, o tie u loagu tuona tundikoa.

Yaa koanbadiegu n diidi mi gaanilindima, mi ñima leni i yianbonfuodi bolinma tuona kani:

- Nongema Desire **YAMEWOGO**, o lanba li tuonli nni tie **32 287 W**, o tie a fuagura tuonsoanba gobidikoa.

Yaa koanbadiegu n die ti diema tinbuona gobidima leni a sancena tuona:

- Sayidu **SANKARA**, o lanba li tuonli nni tie **59 713 C**, o tie a tinbuona gobidikoa.

Masienkaama tilieli dini li bali Dulayi **SANU**, o lanba li tuonli nni tie **519 761 M**, o tie ki tinga tugu nni ñima tuona bandiciamo, ke o tua a tuona gobidikaaba liigiyua yaa tataantuonsoanjaali n diidi ti tinmu tugu nni piama todima Bulicina Faso po (lan tie **SOPAMIBI**) kani li bakpiali nni binataa (3).

E. YAA KOANBADIEGU N DIE I DOCIAMI TINBUONA BOGINMA LENI A DIEDUANKAANA MAAMA

A koanbala taanla taa **masienkaama tila taa (03)**.

Masienkaama tikpiali dini li bali Keligingale **ILI**, o lanba li tuonli nni tie **254 888 W**, o tie yua n kpaagidi ki diidi li bonla n cuoni maama, ke wan kua baalo yeli po yaa tuonsoandiegu n die a dieduankaana maama (lan tie **SESESI**) tuona gobidikaaba cagili nni li bakpiali nni bina taa (03) po ; o gaa Koyi Didie Kalikisiti **SU** kaanu.

Tinunga **27** bonmu **29** nni

Masienkaama tilieli goa ki pandi yaa niba n nua ne bala ke ban yaa ye yaa tuonsoandiegu n die a dieduankaana maama (lan tie SESESI) tuona gobidima cagili nni li bajuodikaali nni bina taa (03).

YAABA N TUA A TUONA GOBIDIKAABA BAALO YELI PO

Yaa koanbadiegu n diidi baalo saliwuudo, a tuona leni bi tuonsoanba yema njamu kani:

- Abidu Karimi **WEDIRAWOGO**, o lanba li tuonli nni tie **118 975 U**, o tie a tuona sanbila tuona goandikoa.

YAABA N TUA A TUONA GOBIDIKAABA YAA TUONSOANDIEGU N DIE A DIEDUANKAANA MAAMA (LAN TIE SESESI) TUONSOANBA YELI PO

- **TIENON** pua Salisa **KONGO**, o lanba li tuonli nni tie **279 021 105 052 P**, o tie ligikubilo.

Masienkaama titaali dini li bali Keligingale **ILI**, o lanba li tuonli nni tie **254 888 W**, o tie yua n kpaagidi ki diidi li bonla n cuoni maama, ke o tua a tuona gobidikaaba liigiyua yaa tuonsoandiegu n die a dieduankaana maama (lan tie sesesi) kani li bakpiali nni binataa (3), o gaa Koyi Didie Kalikisiti SU kaanu.

Gufenema Masoagindo



Tinunga **28** bonmu **29** nni

www.sig.gov.bf



Rimalba Jean Emmanuel OUEDRAOGO

Officier de l'Ordre de l'Étalon

Rimaliba Jan Emanuweli WEDARAWOGO

O baa Baalo jaandi leni Tanjoa maalima

Tinunga 29 bonmu 29 nni